

NATIONAL LIBRARY OF MEDICINE
Washington



Founded 1836

U. S. Department of Health, Education, and Welfare
Public Health Service

*Ex Libria Beriere.
off. Desfontes*

LUEM VENEREAM
PENITUS ERADICANDI
ACCURATIOR ET TUTIOR
METHODUS,

*Quæ lenior utrâque in tempestate
absque ullâ noxâ celebratur.*

Auctore TQ^L° SASSARD, P**
A. R - M. C.

Quolibet in opere integram erga cives proba mentem.

Venit 2 lib.



L O N D I N I.

Et apud AUTOREM Lutetiæ Parisiorum
reperitur viâ Suburbii Jacobæi, n°. 218.

1 7 8 7.

COP. GREZZA

LUM WENTHAM

ENTUS BRACCA

ACCURATE

METHUEN

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

L E C T O R I.

DE morbo venereo undiquè patient dissertationes, præ cæteris autèm eruditissimi ASTRUC consulenda sunt opera; hujusce contagii de causâ, naturâ, & origine, quidquid sit detegendum honestè ac doctè scripsit. Ego verò, quæ per quadraginta annos, & ultrà docuerit me praxis in animo accuratè perpensa, principiisve fulta, ea omnia breviter & probè sum relaturus. Non eruditioni, rei saltem veritati & utilitati, viginti abhinc annis præsertim, absque remissione, totus incubui; de morbis ratiocinatio quælibet vel disertissima nequaquàm est adeò tuta & evidens, ut praxis assidua.

Lues venerea, cujus nunc ener-

gia licet sublatere remissa videatur absque imminente periculo, tamèn est admodum infesta, innumerofve clàm metit cives. Quæ de contagio tàm gravi mea sit sententia, quæ argytarum sint fraus & cupido, ut infrà aperiàm, latinum hoc elegi idioma simplex, nulloque modo intricatum, quoniàm medicinæ lingua ex me nunquàm debuit fuisse gallica: erit mihi satìs quidèm facultatem plurimis si abstulero noscendi, quæ sint solius medici.

Ex gallicè scriptis horrendum nunc fit latrocinium; circulatores nempè, mulierculæ, hominesve rustici, nullâ arte, nullâ doctrinâ imbuti, utrique contrà bonis moribus planè exuti legunt, nihil intelligunt, cupidi omnia audent

& omnia invertunt. *Civium inde mors , aut sensuum artuumve jactura !* Quænam foret gallicè scriptorum sententia ? Dicant velim , de in artibus magistro , qui ædis suæ amplissimæ omnibus in locis , ac utriusque ætatis innumeros inter discipulos apertè collocaret catapultas , sclopos brevissimos , pulvere & plumbo , instructos & per acuta quævis instrumenta.

Heu ! quotquot victimæ ? heu ! quænam parentum mœstitia ?

An verè ad ægros sublevandum gallicè scripserint ab ipsis non rogo.

Pro vigiliis mercede quâdam si fuero dignus , ea duntaxat erit mihi grata , quæ opusculum hoc meum in gallicum verti denegaverit. Traductores pleriquè ad la-

vj

horem, utrâque penuriâ adducuntur, nullive de concivibus queunt bene mereri, extraneorum nisi latinè reddant sermones.



LUEM



LUEM VENEREAM

PENITUS ERADICANDI ACCURATIOR ET TUTIOR METHODUS,

*Quæ lenior utrâque in tempestate
absque ullâ noxâ celebratur.*

CAPUT PRIMUM.

De Morbo & Medicamine.

MEDENDI & ars & scientia, per-
utiles certè, omniumve præstantissimæ,
indissolubili modo nectuntur, ideòque
medecinæ duo dumtaxat sunt veri cul-
tores; reverà sunt gemini ægrotantium
ad sublevamen nati.

Qui, manûs absque operatione, con-

filiis tantùm sanat , dicatur Medicus ;
 qui sanitatem consiliis , manûsque operatione restituit , fit Medico-Chirurgus ;
 huic , sanè & jure merito , committenda videtur cura luem veneream penitus eradicandi.

Insanabilem eam diù voluêre plurimi ,
 dum alii credulitati & timori multò
 minùs obnoxii nunc sanant eam *citò ,
 tutò & jucundè*.

O res miranda !

Quæ ex libidine , *citò , tutò & jucundè*
 oriuntur , mala *citò , tutò & jucundè* tollantur.

Ex naturâ suâ , hoc contagium non
 insanabile probat experientia , nec est
 lethale ; ægrotantium quidem negligentia ,
 libidine , pravâ victûs ratione & medicamentis ineruditè accommodatis , fit vel
 maximè periculosum.

Seminiû venereum vel est corrosivum , vel coagulans.

Si fuerit corrosivum , celerior ipsius

videbitur actio ; inflammationem citò inducit , carnes brevi contundit & depascit ; demùm rodit ossa.

Si fuerit coagulans , lentiori procedet gradu ; humores inprimis inspissat , tumores varios dein generat , & non breve temporis post spatium , in morâ adeò fit acre , ut infaustissimos edat casus.

Venereum hoc contagium stimulo veneris & coitu vel levissimo motum sese repentè infert in semen & lympham præ cæteris omnibus fluidis ; sic , hâc mixturâ fiunt fermentum , quod intimam suam servans analogiam , eodem modo & virulentâ suâ indole iterùm atque iterùm potest diversè inquinare nova feminis & lymphæ vasa & receptacula ; quin amittat facultatem nec potestatem pares edendi effectus , donec mercurio penitùs fuerint deletæ & eradicatæ. Cur & quomodò , laticis purpurei intactis aliis partibus , lympham & semen constanter afficiat virus nec ampliùs mirum.

Seminiū venereum in divitibus .ac

in egenis non pariter germinat, nec eadem procreat symptomata.

Divitum mollities, lautus victus, otium, vestitus munditia & debilitas coitu immoderato comparata intus quodam modo torpere sæpè cogunt virus, & ex eo externa rariùs surgunt symptomata. Indè verò varii dolores, febris lenta, macies, diversi thoracis affectus, paralyfis & mors improvisa.

Egeni contrà ad laborem pertinacem & motum perpetuò coacti, ipsorumve tenuissimus ac pauperrimus victus ad extrà pellunt varios effectus, quos hujusce feminii energia explicat. Tùm spurcitia, ærumnave indusiorum, totiusque vestitus fodorem ac excretiones purulentas suprà cutem totam diutiùs morantur; indè, horrenda hæc symptomata, quæ tùm faciei, tùm partium occultarum venustatem carnibus, diverso modo, adnatis vel tegunt, vel cancris & ulceribus rodunt;

Horribilis videtur lues hæc venerea,

non indè tamen periculofior; nam mutato victu, quiete, linteorum munditiâ, lotionibus quibusdam, jam evanescit horror & mercurii legitimâ administratione, fastidiosa hæc symptomatum facile debellatur cohors, nec eorum dubia fit curatio à probo practico celebrata.

Non res eadem sic se habet in miseros, quos in nosocomiis veneriis accuratè & impunè eligunt argitæ, quibusve utuntur, ut principis & magistratûs decipiant religionem. Arcana sua gloriôsè prædicando, horumce, præposteris laudibus, produnt futilitatem; ægrotantium nihilo-minùs falsam extollunt & portendunt curationem. Heu miseri! vestrum mox redditurum latet contagium.

Insidiosi illi circulatores vulgi sic credulos animos ludificare contendunt, intereà lucro turpiter quæsito placidè fruuntur, dùm dolent in nosocomiis electi.

Qualiacumque arcana prohibet bona fides, & civibus certè singulis medicinam auferre salutarem, eam suis soda-

libus tegendo , horrendum est latrocinium ; idcirco probus nulla agnoscit Medicus.

De iis circulatoribus , sapientissimi Astruc liceat mihi referre sententiam ; sic loquitur :

« Doleo equidem ex animo credu-
 » lum ægrotantium vulgus in hunc mo-
 » dum ludificari , mirorque ad quos per-
 » tinet harumce rerum curatio & ad-
 » ministratio in reprimendis ineptiis vel
 » potiùs coercendis maleficiis istius modi
 » indormire , quæ neglecta in magnum
 » tùm rei medicæ , tùm rei publicæ de-
 » trimentum recidunt. »

Quantò magis doleret hodiè ex animo tantus ille vir animadvertendo , quæ promulgata nuper fuerunt arcana !

Quæ ad contagii venerei curationem huc usque fuerunt adhibita , cuncta novi medicamenta , plurimisque sum usus. Ideoque de efficacissimo tantùm scribere volui , non verò de arcanis ; quæ sive

sint solida , aut fluida ; aquea aut spirituosae ; mercurii , dubio procul , sunt involucrum , quod plerumque genuere fraus & cupido.

Cæteris omnibus remediis ab omni tempore præpositus fuit mercurius ; crudeles quidem ipsius statim fuerunt per sæpè effectus.

Nihil est simul inventum & perfectum.
Ex Cicer. Dein verò partibus heterogenis ac noxiis planè exutus factus est mitior ; ipsius hodiè usum tutò præscribunt & adhibent medicinæ veri cultores , & absque vel minimo periculo luem veneream penitus evellit.

Pondere , divisibilitate & mobilitate agere vulgò fuit dictum , quâdam imò facultate nondum denominatâ certè pollet , cujus ope symptomata vel gravissima mirè delet.

Ignota hæc facultas , ni fallor , neutrum & iners efficit seminium venereum ; proindeque nullus ultra noxius remanet effectus nec germinatus ullus. Ex meâ me-

modo hoc fit evidens , cùm ægrotantes
 placidè fanentur , quin humores ulli
 apertè nec ullo fenfili modo excerni vi-
 deantur. Quapropter contrà peritiffimum
 Afruc & alios quosdam auctores dico &
 contendo ptyalismum & salivationem cu-
 rationi nocere & femper nocuiffe. Ægro-
 tantium enim debilitant vires ; in ore &
 imis faucibus rimas & ulcuscula generant,
 è quibus odor vel maximè foetidus exhala-
 tur. Tùm vacillant dentes , nulla exindè
 masticatio ; prorsùs laboriosa fit omnis
 deglutitio ; dùm plurimè intereft largè
 propinare & sufficienter vesci cibis levi-
 bus. Tùm mercurii congruam quantita-
 tem intromittere est nefas , oris ob pra-
 vum statum, thoracisq; inflammationem
 aut debilitatem. Sic dubia , periculosa &
 persæpè nulla fit curatio , quæ nunquam
 foret incerta , si mercurii sufficiens fuerit
 dosis salivatione & ptyalismo absolutè
 remotis , quibus opportuniùs , tutiùsve
 substitui debent pillulæ catharticè , qua-

rum formula adinvenietur in materiâ medicâ sequenti.

Ergò probatum est ptyalismum & salivationem, contagii venerei in curatione, esse casum non levem; nedum sint crisis utilis, ut voluit peritus Fabre & longè priùs benè multi.

Crisis quidem naturæ est peculiaris labor internus, sponte suâ aut medicaminis quâdam physicè ignotâ facultate motus, quo morbus citò judicatur. Naturæ hunc laborem in lue venereâ mercurius, ut in febre cortex peruvianus, movet, quem hoc in casu faustam crisin prænuntiant sudoris insensibilis & urinarum copia, symptomatumque recessus; nequaquam verò oris & thoracis vastatio. Crisis porrò hîc est remedii singularis & interna actio, quæ morbum mirificè pellit ullo absque casu; hujusce crisis nullo modo certè sunt effectus nec salivatio, nec ptyalismus.

Decepti fuère omnes, qui salivatione

& ptyalismo contagii venerei citiorem & tutiorem fore curationem existimaverunt. Quocumque enim modo adhibeatur mercurius, ullus verâ & inveteratâ lue venereâ laborans nunquam fuit sanatus intra mensem, antea etiam pro more admissis præparationibus, quæ sint venæ sectio, balnea & cathartica. Hujusce temporis per spatium evanescunt quidem symptomata pleraque, at verò citiùs aut seriùs resurgunt; quod singulis quibusque diebus verax probat experientia.

Præter ptyalismum & salivationem, hujusce morbi adhuc amovet curationem inedia, quam nullus annotaverit practicus.

Natura est omnium malorum medica-
trix : huic veritati Hypocraticæ non fervire quis auderet? Propriis suis viribus ergò, aut medicamine juvante, morbos expellit natura; vires autem minuit diæta, dùm eas adaugent medicamina congrua & alimenta facilis digestionis prudenter exhibita. Diæta levis vires minuit; diæta

gravior eas omninò tollit ; proindèque naturam atterit , proindè , remoto naturæ auxilio , curatio fit dubia , aut exhaustus moritur æger (1).

Ergò pro ætate , pro viribus ægotantium , pro morbi energiâ præscribenda est victûs ratio.

Prætereà , ut Medico-Chirurgus , hâc in curatione , tutò se gerat , ægotantis studeat indoli ; huic absque noxâ sæpè sæpiùs indulgere expedit , nam , *mente sanâ , facîle sanatur corpus.*

In cadavere naturam novissè mortuam , medicinæ ad praxim potissimùm deducit ; at verò nec est satis ; naturæ viventis varios adhuc progressus & recessus , suosque agendi diversos modos , à quibus pendet indoles , agnoscere plurimi refert , nam *quò natura vergit eò ducendum.*

Mercurius tandem tot variis modis

(1) Lue venereâ & inediâ exhausti pereunt multi , quos occidisse immeritò habetur mercurius.

adhibetur , ut quos inter cæci eligunt argitæ , eos plerumquè ab ipsis præfer- tim selectos , ut noxios aut inanes , ab eruditis practicis jamdudùm fuisse re- jectos compertum fit.

Hujusce remedii administratione sivè intrinsecâ sivè extrinsecâ , uti non uni- cuique licet.

Brevitatis ergò causâ , ac mentis meæ gratiâ , quidquid de præparationibus mer- curii diversis & de earumdem usu , me- thodo meæ non fuerit consentaneum , omninò prætermittam. Tutius quidem ac opportuniùs mihi videtur oblivioni ea cuncta tradere , quæ quibusdam in ma- nibus fieri possent periculosa. De iis igitur , quæ uniuscujusque symptomatis in curatione prodesse possunt & tutò ad- hiberi , tantùm sum locuturus ; ea cuncta complectitur caput sequens ; cujus , mer- curialis unguenti ex compositione , ut hîc præstantissimâ , sit exordium.

CAPUT II.

De materiâ medicâ huic morbo accomodata.

U N G U E N T U M mercuriale mox describendum , licet ab omnibus notum , ex me , præstantissimum & unicum est remedium , quod multò tutiùs luem veneream delere queat ; nec non mirum mihi videtur , quod , ab erudito Alexandro MONRO (1) jamdudùm exploratis valvulosis venis lymphaticis , de eligendo mercurium adhibendi modo adhuc supersit vel minimum dubium.

Præiosissima hæc exploratio , tùm hujusce morbi in incessu , tùm in ipsiusmet curatione , quæcumque surgant phenomena , ea cuncta apprimè expendit.

A genitalibus , quomodò ad hepar , ad

(1) De venis lymphaticis valvulosis , & de earum in primis origine , auctore Alexandro Monro , M. D. & Prof. Med. & Anat. Edinburgi.

thoracem, ad oculos, totamve cervicem, subito evehatur seminium venereum, nos docet, probatque quomodo symptomata longè remota à partibus, quibus committitur mercurius, citò & mirificè evanescant. Quin imò ex dictis, sine ullâ controversiâ, constat completam administrationem frictionum mercurialium tutiorem esse methodum radicitus evelendi contagium venereum; longissimis ab annis in praxi meâ hæc fulget veritas.

Antiquorum Medicorum doctrinam & agendi rationem novisse & perpendisse unusquisque debuit practicus; at verò ipso forummet diutius insistere vestigiis, aut strictius amplecti sententiam & doctrinam, vel vanum foret, vel aliquoties periculosum.

Antiquorum pariter romanorum ac Carthagenensium hodiè arma, si adhuc supersunt in armamentariis, ea curiosè circumspiciunt magnanimi Duces nostri, & in numero stupent, quòd tormentum bellicum, catapulta, acinaces & fica nunc

sint satis , ut oppida oppugnent , prælia
secunda faciant victoriamque obtineant.
Hæc inspectio tamen quorundam movet
mentem , & quorundam firmat animum.

Antiqua, indigestave remediorum con-
geries Medici valet suscitare curiosita-
tem; sæpè sæpiùs procreat fastidium ,
& juvenum angit mentem ; inter eos
tamen quidam res annotant non rarò ,
quibus inposterum faustè utantur.

Quò pluribus remediis sanatus fuit
æger , eò diutiùs certè remanet debilis
& languens ; quin imò nimiam eorum
multitudinem & quantitatem nocere quis-
que fatetur peritus.

Unguentum mercuriale.

℞. Mercurii crudi è cinnabari redivivi ,
axung. porci repurg. & baln. m. coctæ
ana , l. 1
Veterat. Paris ung. mercur. , unc. 2.
Hic est modus agendi :
Unguentum mercuriale veteratum &

mercurium fluidum diligenter tere , aut terat fidelis minister in moriario ferreo , cum pisto ferreo , donec nulli globuli mercuriales , etiam conspicio , videantur ; tùm axungiam porci in aquâ putei rectè lotam & expurgatam , in balneo maris coctam ad cuiusvis humiditatis consumptionem paulatim adde , & per horam integram indefinenter terenda est hæc mixtura , ut sit accuratissima.

Unguentum sic paratum faciliùs ministratur , citiùs ac tutiùs intromittitur , numquamve contrahit rancorem , nec erysipelas impertit cuti.

Emplastrum mercurii gummatum.

- ℞. Mercurii redivi uncias 4.
 Gum. arab. vel tragag. unciam 1.
 Butyri cacao uncias 3.
 Cerae albæ uncias 4.
 Gummi fiat mucago cum unciis duabus aquæ calidæ , cui mercurium addere fit ac terere ut suprà , donec pariter ex-

tincto adjungi possit butyrum cacao cum cerâ albâ priùs liquefactum igne leni & semi-refrigeratum ; tùm mixtura hæc diù & fortiter est contundenda , ut firmam & levigatam emplastri adipiscatur consistentiam.

Pilulæ mercurii gummatae.

℞. Mercurii pro more expurg. . drag. 3.

Gummi arabici dragmas 6.

Radiceis enulæ camp. pulv. . drag. 3.

Fiat ex arte mucago cum s. q. aquæ rosarum in quo extinguitur mercurius & cum pulvere radiceis enulæ campanæ citò fiat massa , ex quâ illicò formentur pilulæ. Pondere trium granorum vorandæ , cum opus fuerit.

Pilulæ de aquilâ albâ.

℞. Aquilæ albæ tenuissimè pulver. dragmas duas.

Conservæ Kinor. q. s. ut fiat massa

solida , quâ formentur pilulæ pondere granorum duorum , quæ servantur ad usum.

Pilulæ cum mercurio catharticæ.

℞. Mercur. è cinnab. redivivi & in f. q.
 Terebinthinæ extincti . . semi-unciam.
 Rei electi }
 Agarici. } ana drag.
 Folior. fennæ mund. . . } unam &
 Trochisc. alhand. } semissem.
 Resin. jalap. }
 Diagrydii } ana drag.
 Aloes succot. } unam.
 Tartari solubilis . . . dragmas duas.
 Syrupi de rhamno . . f. q.

In terebinthinâ mercurius extinguatur, cui perfectè extincto addere est aliquantulum syrupi de rhamno, ut in terebinthinâ sic dilutâ, faciliùs terantur ac misceantur resinæ seorsim pulveratæ & in mortarium paulatim projectæ cum tartaro solubili; syrupi tantillum adhuc ad-

dendo , donec expleta hæc videatur mixtura , cui addantur alia medicamina tenuissimè pulverata , cum s. q. syrupi , ut fiat massa fortiter contundenda , donec sat sit levigata , & ad efficiendas pilulas idonea.

His pilulis ab octodecim granis ad semi-dragmam identidem utor in completâ mercurii administratione , ut mercurio victum largiùs expellatur contagium.

Pilulæ è terebinthinâ & æthiope minerali.

℞. Terebinthinæ , ut infrà , coctæ. unc. 1.

Æthiopis mineralis . . . dragmas 2.

In-aquâ tæpidâ molescat terebinthina cocta , cui manibus expassæ adde æthiopem mineralem & multotiès unâ involvantur , donec massa absque æthiopis ullo indicio sit nigerrima & levigata.

In mortario ferreo calido fit pariter hæc mixtura , è quâ formentur pilulæ pondere quatuor granorum.

Pilulæ è terebinthinâ simplices.

℞. Terebinth. venetæ perlucidæ. lb. i.

Bulliat in f. q. aquæ fluviatilis , donec
 ipsius levissima pars in aquam frigidam
 projecta ita indurescat , ut facilè fran-
 gatur ; tùm tota mittatur in aquam fri-
 gidam & refrigerata ac indurata servetur
 ad usum , & pilulæ sint trium granorum.

De variis formulis.

Huic morbo accommodatæ multæ sunt
 adhuc formulæ , quas singulas habet
 codex medicamentarius parisiensis , in
 lucem editus anno 1758. Sunt formulæ
 æthiopis mineralis ; aquilæ albæ seu mer-
 curii dulcis , præcipitati rubri , lapidis
 caustici & infernalis , trochiscorum ex-
 charroticorum , spiritûs nitri & vitrioli ,
 tincturæ aloes & de myrrhâ. Horumce
 remediorum compositio non est Medici
 practici.

Varii potus.

Emulfiones , ptisanæ infusiones , ex variis feminibus , floribus , foliis & summatibus plantarum , fructibus , radicibus , corticibus & lignis conficiuntur. Hisce omnibus aliquoties adduntur syrapi violacei , de althæa , de limonibus , de capillis veneris , de nymphæa , de rhamno & de floribus persicorum , à dragmis quatuor ad unciam unam pro unaquâque librâ. Ipsarum aliquoties in haustu faustè adhibetur tinctura martis operiens , à guttis sex ad quindecim. De illis nullum agendi modum , nullam formulam hîc tradere decet.

*Purgantia decoctu , solutione aut infusione
... liquidâ.*

Manna , fenna , rhabarbarum , pulpæ tamarindorum & cassiæ , salia cathartica amara , syrupus de cichorio cum rheo

electuarius catholicum duplicatum rheo, cæteris omnibus purgantibus anteponi merentur, ut fiant potiones catharticæ pro utroque sexu & pro quâvis ætate.

Purgantia in quolibet affectu venereo multò magis congrua sunt liquida, quàm ficca & solida, ut boli & pilulæ, quorum substantia integra fertur in stomachum & alia viscera, quorum uno in puncto inflammationem periculosam, immediato suo tactu suâque morâ, procreare possunt.

Gargarismus detergens.

℞. Foliorum & summitatum agrimonix, unciam unam & semissem.

Coque in aquæ fluviatilis sesquilibrâ, donec rubescat decoctio, cui adde mellis rosarum unciam 1.

Spiritus vitrioli dulcificati, guttas 24.

Aquæ vitæ uncias 2.

Erit gargarismus detergens.

*Gargarismus emolliens sedans oris
calorem.*

℞. Radicis althææ minutim incisæ, sesqui-
unciam.

Bulliat leviter & infundatur in aquæ
fluviatilis libris duabus suprâ cineres ca-
lidos per semi-horam; tùm refrigeratæ
infusioni, & per linteum trajectæ, adde
aquæ vitæ uncias tres, & habebis gar-
garismum, oris immoderatos æstus tutò
& citò temperantem, dummodò os &
fauces sæpè sæpiùs ipso irrorentur à
principio curationis.

Hisce duobus gargarismis aut dum-
taxat simplici decoctu radicis althææ utor,
& ægris omnibus sunt satis, ut, nec in
ore, nec in imis faucibus, ulla habeant
ulcuscula, nisi priùs fuerint morbi symp-
tomata, quæ tùm eâdem ratione fa-
nentur.

In curatione venereâ, nulla ex mer-
curio unquam nasci ulcuscula sat pro-
batum est; hæc contrâ symptômata ho-

rumce gargarismorum ope & legitimâ mercurii administratione tutò tolluntur, quotiescumque Medici, & ægri recta fuerit agendi ratio.

Emplastra.

Emplastrum mercurii gummatum, emplastrum diachilum gummatum sunt sola, quorum aliquoties adhibeam usum; de his vide codicem parisiensem.

Unguenta.

Unguentum fuscum, vulgò *de la mere*, basilicum & de styrace ea sunt, quorum mihi arideat usus; vide codicem parisiensem.

Candelæ medicæ.

De candelis medicis hodiè numerantur plurimæ formulæ; quædam videntur ineptæ, quædam periculosæ; de illis nihil ultra. Doleo ex animo ipfarum de aucto-
ribus

ribus fusiùs nuper narrata gallicè fuisse probra. Sodalem inusitatis lacerare verbis nec est honestum, nec humanum; aliorum nos doceant errores, suimet ipsius amore quisque cæterùm potest excæcari.

Cujusvis speciei candelas, ut corpus extraneum imprimis in meatu urinario tantùm agere constat, sic inflammationem procreant; exindè si medicamine fuerunt conditæ, quod suppurationem movere, cicatricem refricare & iterùm inducere valeat, vanum mihi videtur alias eligere. Formularum proindè congeries fit super-
vacua, si ex omnium assensu una adest, quæ inflammationem, quam, ut corpus extraneum ediderit, sedare, suppurationem movere & cicatricem adducere possit, quæ cuncta mirificè præstat unguentum fuscum.

Hosce varios effectus nullus suâ doctrinâ pollens ipsi denegat practicus; ergò ipsiusmet formula unica dubio procul est exponenda, cùm insuper ex eo unguento candelas condere sit seminio venereo

consentaneum. Quamvis in codice facultatis Medicinæ Parisiensis fuerit descripta hujusce formula , eam hîc recensere gaudeo , ut quisque , nihil inesse inepti , nec noxii suâ sponte annuat.

Unguentum fuscum , vulgò de la mere.

℞. Axungiae porci	} ana
Butyri recentis	
Cerae flavae	
Sebi arietini	
Lithargiri præparati	} unc. octo.

Olei olivarum l. i.

Coque more emplastri , donec ex fusco nigrescat.

Hic est modus agendi :

Lithargirus repurgatus in oleo coquatur , bulliendo indefinenterque movendo , cum spatâ ligneâ , donec nigrescat ; tùm axungias cunctas in aquâ frigidâ lotas & expurgatas , tùm igne leni unâ coctas ad consumptionem totius humiditatis & per cetaceum trajectas lithargiro in oleo

bullienti paulatim addere juvat, deinceps ceram flavam frustulentam, quam ad duplam & ultrà ferre licet, ut firmiores & sicciore siant candelæ.

Ea cuncta ad libitum & aptè concoqui attendat opifex, ut in mixturam adhuc calentem mergere possit telam suâ ex naturâ & usu tenuem; ex quâ unguento sic oneratâ, refrigeratâ cultrove levigatâ, queant, secundum artem fieri candelæ (1).

Candelarum de naturâ illas peregi, has nunc ipsarum de usu incipiam ob-

(1) Unguenti fusci, absque lithargiro, altera in eodem codice parisiensi subsequitur formula, ex quâ candelas aliquoties condere juvat, cum ulcuscula callosa urethræ sunt obices, quorum movere suppurationem ampliorem plurimè interest.

Utriusque formulæ unguento fusco medicas candelas mirè condidit mihi D. Regnault, Pharm. Parisiensis, in viâ Cithareâ, & peroptatum habuere exitum.

De la Hyerne, Chirurgus, in viâ Furni, ex regione Sancti Eustachi, quasdam candelas nosocomii suppeditat, quibus faustè sum usus.

servationes, candelis olim sum usus, ut alii, fateor, inconsideratè.

De illis nondum locutus fuerat *Daram* cum multas ægris plurimis jam intro-miseram candelas quas à serò ad manè servarent in urethrâ; earumdem sic usus diù diutiùsve prorogabatur. Quosdam quidem contraxerunt tragoedias, in genitalibus scilicet inflammationem & dolorem acutum, & in urethrâ suppurationem cruentam. Dein experientia docuit me, eas non tandiù relinquere intromissas; adhibeantur candelæ medicæ cum in urethrâ adsunt obices, quorum nulli ipsarum ope tolluntur, nisi inveteratæ cicatrices, quæ in unâ aut in alterâ parte constringunt meatum urinarium, nisi ulcuscula callosa quæ, ut ita dicam, metam pariter effingunt cohibentem urinæ effluxum. Quod supersit dicendum infrâ, videbitur in capite de gonorrhœa.

Attamen hic possum jamjam asserere omne pomatum fore vanum aut peri-

culosum , ut intromittantur candelæ medicæ ; pomatum enim erit vanum ob suam variorum medicaminum mixturam , licet fuerit leniens ; erit periculosum ob urethræ texturam , si fuerit detergens aut escharoticum.

Hyperici dumtaxat oleo simplici eas illiniri fas est , quod urethræ nullo modo adversatur ; ipsius contra linitu facilior leviorve candelarum fit introitus , earum facultas medicatrix unicè pendet è medicaminibus , quibuscum fuerint conditæ.

Candelarum præ introitu , momenti multò majoris sunt injectiones è decocto radicis althææ , vel è tepido lacte vaccino , quæ urethræ promoveant & adaugeant mucum & omnium fibrarum flexibilitatem. Ipsis etiam retractis , mirificè juvat ductum urinarium multotiès irrorare , iisdem injectionibus , sicque variæ tutò amonentur tragoediæ , quas procrearent pomata.

Præcedentia hæc medicamenta sunt

fatis , ut contagii venerei singula quæque penitùs eradicentur symptomata ; ab omnibus quidem sunt nota ; perpendere tamen potissimùm expedit ipsorum energiam certè sitam esse in selecto ea adhibendi modo.

Aliud supereſt mercuriale remedium (1), quod miram apud Germanos obtinuerit famam ; hâc verò nostrâ in

(1) Mercurius sublimatus corrosivus de efficacia suâ sibi habet DD. WANSVIETHEN ac DEAHEN testes integerrimos nec non peritissimos , qui principes certè sint inter pares. Quid indè ? Gallos inter & Germanos de alimentis , de aëre , de moribus , & de robore ubinàm paritas ? Quod adhuc multò pejùs , immensâ hâc in civitate morbi venerei è curatione suam extrahunt subsistentiam quindecim mille personæ mendaces ac contemnendæ , quarum agendi ratio non ægrorum sublevamen , sed lucrum turpiter quæsitum prosequitur : remedia vel minimi pretii eligunt , nec dolent de variis tragoediis quas possint procreare : idcirco mercurii sublimati corrosivi usum nec mercatum hâc in regione non concedere civibus foret commodum vel maximum.

regione non adeò fuit efficax, illud contrà ægris exhibere vix fas est. Periculofum quidem generaliter agnofcitur, quibusdam tamen in cafibus, ipfius adhibere ufum poteft practicus eruditiffimus. Hujufce autem ullum referre modum agendi, nec purgantia tùm congrua defcribere non fufcipiam, ne fim reus tragœdiarum quas poffet procreare.

Quidquid antea de arcanis & nunc de mercurio fublimato corrofivo promulgavi, fat probat palàm me nunquam retuliffe remedia, quin priùs medicorum habuerint affenfum.

Multis fortè videbitur nimis fcholafticum & vanum agendi modum de variis formulis me exhibuiffe; at verò deduxit me experientia, quæ toties oftenderit incafùm medicamina rectè condere, curam fore vel maximi momenti, nec non facrofantiffimum officium quod promulgare injungit caritas in cives.



CAPUT III.

*De lue venerea confirmatâ , sive sit recens ,
aut inveterata ; & de ipsius curatione ,
seu de completa mercurii administratione.*

LUES venerea confirmata sua habet symptomata , quorum ratione dicatur recens aut inveterata recentem eam indicunt omnia symptomata paulò post coitum nata ; inveteratam verò eam , quæ à peracto coitu , post mensem & ultrà surgunt. De omnibus infra est figillatim dicendum ; at priùs stabilire plurimè interest , methodum tutiorem , quæ symptomata qualiacumque penitus eradicare queat , quæve necessario sita sit in modo mercurium adhibendi , ut videre est , itaque sic ordiri decet.



*De administratione completæ frictionum
mercurialium.*

Mercurii completæ administrationis ,
ex me hic est processus : ægrotantis ,
quarto ab anno , quævis sit ætas ; quod-
cumque sit temperamentum , morbus sit
recens aut inveteratus ; nullâ habitâ ra-
tione de sexu , sanguinis majorem vel
minorem quantitatem imprimis è brachio
emitti studeo , ab unciiis duabus ad octo-
decim , pro viribus ægri.

Ex hoc momento tuta instituenda vi-
vendi ratio , à quâ per curationem dis-
cedere sit nefas , & per diem hunc totum ,
feri lactis clarificati aut ptisanæ è radice
bardanæ bibendum est libras duas ; serò
injiciatur enema cum decocto foliorum
althææ & parietariæ. Nihil prorsus est
omittendum , ut nullo modo angi possint
motus & circuitus humorum , quibus
corpus humanum perpetuò est imbutum.

Potionem catharticam è purgantibus

liquidis suprà citatis, postridiè propinet manè æger; idem ac antecedenti die fit potus, ut leniùs & largiùs dejiciat excrementa. Modicum fit prandium, & cœna semper levis; accuratè amoveantur alimenta cruda, dura, falsa, aromatis condita, & omnis caro suilla.

Craftinâ die in balneo aquæ fluviatilis manè & serò sedeat per horam integram aut sesquihoram; ità paretur balneum, ut nec caloris, nec frigoris ullum habeat sensum. Pro matutino balneo jejunos fit stomachus & pro serotino, ciborum plena coctio & perfecta.

Cùm è balneo manè surgit, jusculum liguriat & in lecto, vel in sede quiescat per horam integram; dein quolibet assueto labore fungatur, dummodò antè prandium potaverit ptisanæ è radice bardanæ aut althææ & graminis libram unam; prandio, ut sani, fruatur, seligendo cibos ad concoquendum facillimos & aquâ minorem meri diluendo quantitatem.

Cùm è balneo ferò exierit, per dimidiam horam ad libitum quiescat, & sumpto juscùlo vel levissimo victu, cubere properet, ut recuperatis fomno viribus balnea libenter sustineat, donec ad minimum sint numero duodecim & viginti ad summum. Hàc enim in curatione balneâ, ut docuit experientia, sunt *conditio sine quâ non.*

Duodecim balnea per horam integram, aut octo per sesquihoram, intrâ octo aut duodecim dies, pro viribus suis, cùm non interruptè sumpserit ægrotans; iteretur, ut suprà, potio cathartica.

Die sequenti ad completam mercurii administrationem est deveniendum, quæ novâ victûs ratione sit recta, & à quâ per totam curationem discedere periculosum foret (1).

(1) Victûs rationi non fervire vel maximè est periculosus calor immoderatus, potûs defectuosus angit & guttur; indè inflammatio & ulcuscula

Hæc est nova victûs ratio : 1^o. Septimâ horâ matutinâ lactis vaccini tepidi sex uncias hauriat æger , tùmve in lecto per horam integram adhuc jaceat vigilans , vel dormiens. Hinc ad munus pro more adimplendum redeat , & de dimidiâ in dimidiam horam , ptisanæ è bardanâ ciathus tres exhauriat

2^o. Cùm decima dederit hora , liguriat jusculum , panis albissimi comedendo frustulum , si , ægro juvene , stomachum pungat fames.

3^o. Ab undecimâ horâ ad meridiem usque , ptisanæ duos bibat ciathus.

nascuntur & de capite toto se malè habet æger , victûs quantitate minori opprimitur natura ; fractis sic viribus , remediorum nequit actioni favere ; majori verò victûs quantitate depravatur stomachus , prava fit coctio , indèque alvi profluvium , viriumque jactura , quæ singula moram necessariò afferunt curationi , aut eam efficiunt nullam ; & quod multò pejus , mors tollit ægrum.

4^o. Horâ post meridiem primâ, prandio ut suprà fruatur.

5^o. Si morbo attritus fuerit æger, quartâ horâ poterit sumere jusculum, tùm à quintâ bibat, dùm alii à quartâ ad septimam horam, ter quaterve ptisanam potaverunt.

6^o. Septimam inter & octavam pulmentum vel ova sorbilia comedat.

7^o. Decimâ horâ, lactis vaccini iterùm uncias sex propinet.

8^o. Per noctem fitiat, an non; ad libitum perpotare potest ptisanam.

Ægrotantibus cunctis congruit hic victus, cui tamen modum peculiarem aliquoties adhibeat Medico-Chirurgus.

Hocce metipso die, primo manè, horâ dimidiâ priùsquàm lac suum sumat æger, vel horâ nonâ ferotinâ, illiniri debet cum dragmâ aut sesquidragmâ unguenti mercurialis, cujus formula suprà fuit notata; nam frictiones manè aut serò fieri parvè refert.

Hæc prima frictio fit super utrumque

pedem circumcìrà calcaneum & malleolos ad tibiæ inferiorem partem.

Secunda, à parte tibiæ inferiori ad superiorem.

Tertia, à parte superiori ad dimidiam partem femoris.

Quarta, à dimidiâ parte tùm internâ, tùm anteriori femoris ad inguen, quod propter innumeras suas glandulas totum, eodem tempore, accuratiùs ungi debet.

Quinta, ab infimâ tùm externâ, tùm posteriori parte femoris ducitur ultrâ nates, eas utrinque illiniendas.

Sexta, ab offe sacro ad secundam vertebra[m] dorfi, tùm lumbis certè comprehensis.

Septima, à tertia vertebrâ dorfi ad cervicem, nec omiffis fcapulis, nec utroque latere dorfi.

Octava, ab acromio pervadit brachium totum, axillasque quas planè ungere juvat (1).

(1) Corporis ità illinitæ hæ partes, ut manus

Singulas quasque partes linteo calefacto oportet priùs fricare, quàm mercurio eas illinire. 1°. Ut cutis humiditas, & illuvies abstergantur; 2°. ut calore, ex hâc frictione ficcâ nascenti, ipsius ampliores pateant pori, quibus unctio- nes tutiùs ampliùsve intromittunt mercurium.

Hæc frictiones tùm ficcas, tùm mercuriales antè igniculum lucidum fieri expedit, quòd nimis urens ignis partibus certè impertiret inflammationem, quæ mercurii vetaret ingressum, cutis necessariò arctando foramina.

Præ cæteris partes quædam, linteo calefacto, volunt paulò diutiùs fricari, genitalium nempè vicinia, in utroque sexu, ut pars superior femoris inguen, & axilæ, quibus in locis majorem, spif-

nuda suprâ cutem strepitum quemdam edat, linteis ilicò involvantur sicque curationis per totum decursum die noctuve remaneant; alioquin mercurii vel maximè incerta foret dosis.

fioremve illuviem deponit humor fe-
baceus.

Frictionibus octo corpus totum illiniri
fit opportunitas, ut ipsius quævis pars
illinenda non toties ungatur unguento
mercuriali, per ipsius completam admi-
nistrationem, ac si corpus in truncum
& in extremitates ad hoc fuisset parti-
tum; nam in alterutrâ unctione crassi-
tiem quamdam suprà cutem deponi com-
pertum est, quæ pariter mercurii vetaret
ingressum, qui exindè incertus nec non
infidus foret.

Frictionis primæ & sequentium major
& minor, pro doctrinâ Medico-Chirurgi,
erit dos; (1) at verò omnibus jam

(1) Pro octo prioribus unctionibus unicuique
fatis est dragma una, aut ad summum sesqui-
dragma unguenti mercurialis; tertio quoque die
debent adhiberi, horâ & modo suprà dictis. Os
& fauces si fortè invaserit calor immoderatus &
paululùm tumuerint amygdalæ, mercurii non
ideò minuenda erit dos; at verò ultrà biduum,
etiãve triduum referendæ sunt frictiones, ut

afferere debeo curationis exitum potissimum pendere à prioribus frictionibus.

citiùs abeant calor & amygdalarum nascens inflammatio. Levibus hisce casibus sedatis, præmissisve octo unctionibus adaugenda erit dosis pro cæteris.

A dragmâ unâ in principio curationis, ipsius per totum decursum mercurius adaugeri poterit ad dragmas duas & perrarò ad majorem quantitatem.

Auctorum varia est sæpè sententia de mercurii necessariâ quantitate ad penitùs eradicandum seminium venereum, hocce objectum rectè terminare vel maximi foret momenti; nam mercurii minor dosis fit vana, majorve periculosa. Morbi inveterati energia nequit deleri eadem quantitate mercurii, quæ mirè tollit symptomata contagii recentis.

In praxi ratiocinatio & prudentia duces sunt necessarii, ut hujusce morbi curationis amoveant tragœdias & ægotantes ad faustum deducant exitum. Unguenti mercurialis media quantitas ad uncias quatuor, & frictionum numerus ab octodecim ad triginta, ex se, possunt evehi. Harumce rerum multò longiùs retulit metas SWIEDAR, Medicus Anglicanus.

Pueri ex utero luem veneream contrahentes,

Ex quantitate hîc præcipuè oritur periculum; dosis enim gravior sanguinis

eâdem methodo ac eâdem remedii quantitatè, possunt tutò, nutricis intrâ brachia, sanari; tùm verò nutrix vivendi rationi debet stricte servire, paritèrque administrationi mercurii vel maximè completæ. Frictiones, sive quoad remedii quantitatem, sive quoad numerum frictionum, promore, adhibeantur; à principio tamèn curationis ad quindecimam identidem longiùs subjiciatur temporis intervallum, ne nutricis lac mercurio nimis oneratum, pueri os calore & ulcusculis citiùs inficiat. Cæteræ autem mercurii unctiones tertio quoque die, poterunt ministrari, donèc & pueri & nutricis omninò eradicetur lues venerea.

Medendi longè differt methodus pro pueris, quos nutricis lacte, sanare insaufte fuerit nefas; ipsorum ætatis ad tertium, quartum aut quintum annum & ultrâ deferenda est curatio, nisi magis ac magis urgeant symptomata. Mercurio quidèm ténerrimis in annis debent illiniri, incipiendo à duodecim granis, aut ad summum à quindecim, ad dragmam unam unguenti, cum congruis intervallis inter priores frictiones. Ipsorum victus sint lac vaccinum, tenuis panis jurulentus,

nimis properat motum, qui varios sæpè genuerit casus, à quibus mercurii prava toties oritur opinio, quæ vulgi in animo tam altè defigit horrorem adeò insuperabilem, ut plurimi ægrotantes maturam mortem libentiùs oppetant, quàm tutam curationem, quâ faustè frui potuissent, sublatâ jam pridem insitâ menti hâcce infelici opinione.

Quid prætiosi si fuerit hominis valetudo integra, minutior nemini certè videbitur hæc mea methodus.

Ex dictis per totam mercurii administrationem, tertio quoque die, frictions adhibere licebit, dummodò victûs rationi serviendo largè bibat æger &

jusculum è carne bovis & galli aut ovis, ossa forbilia aut cum lacte & paululùm sacchari cocta & pro potu levis decoctio radicis althææ. Hæc curatio est longior, absque ullâ intermissione vult absolvi; at verò accuratissimè est cavendum ne in ore surgant vel minima ulcuscula quæ longiora tutò stabilirent temporis intervalla.

os & fauces gargarismo emolienti sæpè sæpiùs irroret, quorumcumque accuratè inspiciatur status, qui faveat deglutioni; dummodò his sedulò perpenfis, congruâ mercurii fit dosis. Quæ si accuratè observaverit à principio curationis, nec calore acriori, nec ullis angetur ulcusculis, nec non ut in sanitate, remoto omni odore foetido, cibum & potum pro morbo libenter sumere poterit.

Nedùm desideretur salivatio aut ptyalismus, oris contrà ut fervetur amœnitas grata, per totam curationem practicus doctrinæ suæ compos omnem operam indefinenter conferre attendat.

His omnibus animi consentionibus invitis, quædam si supervenirent incommoda, ut glandularum maxillarium aut amygdalarum inflammatio, calor immoderatus faucium, sulphuris referens odorem, saporemve insuavem, alvi effluvium: quæ non rarò contingunt cum lue venereâ inveteratâ, & variis medicamentis, cum salivatione incassum jam

dimicata laborat æger. Tùm gargarismo emollienti sæpiùs utatur aquæ fluviatilis enemata manè & ferò injiciantur; nullam per aliquot dies comedat carnem, nec aëri frigido & ferotino se committat. Levia hæc incommoda nullam curationi afferrent moram.

Inveterato morbo venereo sese persæpè adjungit scorbutus, eorundem symptomatum non rarò sunt participes; uterque, uno & eodem tempore, suis remediis potest sanari, quin mercurii completæ administrationis immutetur methodus.

Quæ luem veneream confirmatam denuntiant, quæ nullo alio modo, quàm mercurii completâ administratione possunt penitùs sanari symptomata sunt sequentia.



CAPUT IV.

De carie & exostofi.

CARIES & exostofis proprii sunt morbi offium, pro felicitate mortalium nunc perrari; non ideò lenior est lues venerea. At verò mercurii tam familiaris usus sub diversis involucris, plus minùsve debilitat contagium venereum, sicque amoveniuntur symptomata olim frequentissima. In miseris & apud milites adhuc animadvertuntur infaustissimi hi casus, ipsis tamen ministrantur remedia mercurialia in nosocomiis venereis. Hæc autem ita laboriosa est curatio, ita fastidiosa, ut ab eâ deerrare sint coacti propter dolores & inediam; verus insuper abest mercurium adhibendi modus. Hujusce speciei ægrotantes victûs rationem invertere indefinenter contendunt; prætereà ipsorum de numero maxima est sollicitudo, & minima de exitu morbi;

simul ut veneris nulla superest macula,
 omnes habentur radicitùs sanati. Exindè
 diù sublatet feminium venereum mer-
 curio attritum, non verò enecatum; de-
 fatigationes, labor improbus, libido &
 prava victùs ratio, per aliquot menses
 aut etiam annos, quodam modo virus
 opprimunt, quod tandem, ipsius rema-
 nente sufficienti energiâ, clàm fodit &
 rodit ossa, aut horumce lamellas quas-
 dam & periosteum extollit. Attamen extat
 inexpugnabilis veritas, curationis vene-
 reæ omnes horrores, molestamve quo-
 rumdam remediorum actionem suppri-
 mere juvaret, amovendo salivationem
 & arcana argitarum. Tùm hosce ultimos
 casus agnoscere non liceret, cum jamjam
 probatum fuerit completam mercurii ad-
 ministrationem multominùs esse mole-
 tam & fastidiosam, quàm remedia,
 quibus vix fas est expugnare febrem
 quartanam in autumno, quæ viderentur
 longè magis onerosa quàm methodus
 mea curativa. Quapropter hujusce opus-

culi in capite ultimo agetur de novo regimine in nosocomiis venereis instituendo, ut videre est.

Caries est aperta & sicca, aut sublatens & humida; utraque facile dignoscitur visu & specillo: caries quævis præter completam mercurii administrationem, vult adhuc curam specialem & localem, ut radicitus fanetur.

Ossa huicce morbo frequentius obnoxia sunt ossa cranii, nasi, palati, & ea omnia quæ aëris intemperie & corporum extraneorum variis ictibus possent facilius percuti.

Quæ imprimis carie depravantur ossum partes, è sanis evelli necesse est; ad hoc faustè adhibentur lapis causticus, cauterium actuale, dissolutio mercurii in spiritu nitri, quorum usus tironibus nunquam est committendus. Balsamum fioraventi spirituosum, spiritus vini exquisitissimi, tinctura myrrhæ & aloës mitiorem præbent usum; hæc nemo nescit, nec cætera omnia auxiliorum genera,

genera , quæ brevitatis causâ sunt præmittenda.

De Exostofi.

Succus medularis ossibus peculiaris naturam habet oleosam & unguinosam, quæ ubique sit eadem ; singulis ossium partibus suppeditat nutrimentum , eamque seminio venereo sæpè inquinari probat experientia. Indè nascuntur variæ exostoses aut tumores , qui , variè circumscripto tubere , supra confinium partium libellam extrorsùm prominent.

Exostoses quædam sunt submoles , quæ prementi digito cedunt ; acriter aliquoties dolent , interdùm lancinant , & eas , absque ossium labe , solo periosto tumefacto , fieri variis observationibus est compertum.

Sunt aliæ multò graviores , in quibus contagio venereo ità inspissatur succus medularis , ut variæ cellulæ ossium , hâc substantiâ repletæ sensim , adeò dif-

tendantur & tumeant, ut ossis superficies extrorsum arcuetur, & varios tumores renitentes, formâ & figurâ dispares, referat.

Exostoses plerumque delentur mercurii administratione completâ; si minus post octo aut decem frictiones visibiliter minuerent, eas, singulis quibusque diebus, illinire oportet cum quantitate minori unguenti mercurialis; vel eas, die noctuque, obtegere cum emplastro mercurii gummato, vel cum linamento leviter aut graviter onerato unguento mercuriali.

Exostoses pertinaciores cariei plerumque præbent fomitem, tùm ad medicamenta cariei accommodata est recurrendum.



CAPUT V.

De variis escrescentiis carnosis.

CARNES adnatæ, qualescumque sint, è quavis parte surgant, sunt lues venerea confirmata & inveterata in divitibus; neglectave in egenis, plerumque recentior, ideòque non gravior, ut suprà fuit notatum.

Porri, verrucæ, condilomata, cristæ, omnesque hujusce speciei escrescentiæ perpetuò sunt effectus contagii venerei coagulantis, in sanguinem jampridem infusi apud illos; in his verò quandòquidem à contagio recentiori nascuntur ob ærumnam & illuviem. In utroque casu, antivenereis radicitùs nequeunt sanari, ut voluit olim peritissimus Astruc, & nuper benè multi.

Experientia hujusce temporis manifestum est eas eradicari non posse, nisi accuratissimâ mercurii administratione.

Evanescent tamen hæ carnes adnatæ antevenereis , iteratis purgantibus drasticis , lotionibus quibusdam , aut citiùs depascuntur solutione mercurii in spiritu nitri corrosivi aut pulveribus escharroticis ruthæ & sabinæ ; at verò resurgunt seriùs vel ociùs. Possunt quidem deleri , non autem sanari , quòd viscosius , crudius & tenacius semper sit hoc virus. Cùm antivenerea dumtaxat adhibita fuerunt remedia , contendo horumce ægrorum concubitus perpetuò fore fontem uberrimum contagii venerei.



CAPUT VI.

De variis bubonibus venereis.

BUBO essentialis & solitarius omnium est gravissimus; idcirco de ipso met imprimis dicere decet; semini venerei coagulantis & inveterati semper est effectus. Nullum alium veneris casum habet comitem; nullum procreat dolorem, nisi tale prius adeptus fuerit incrementum, quod vicinia ultra modum distendat ad dolorem usque.

Nullus dolor, nullus rubor, nullus color, nulla huc usque febris adest, licet unius glandulæ, aut multarum jam appareat ingurgitatio, longo intervallo interim lancinat, inguinis ferè omnes inquinat glandulas, quæ in utroque inguine perrarò turgent unà. Quò fortior est ægrotans, eò celerior, eò major fit glandularum ingurgitatio; at verò natura,

si fuerit debilis , lento lentiori procedet gradu.

Hoc in statu quiescit ægrotans ; nequaquàm est sollicitus ; nulla cætera adfunt symptomata ; conjugii expertem vitam jam pridem ducit ; non à mensibus , sed etiam plurimis ab annis non fuerat scortatus. Attamen , ignotâ causâ , celerius demùm turgent inguinis glandulæ ; pro practicis nihil mirum.

Hujusce bubonis fons est seminium venereum coagulans , cujus in lympham tota vis impulsâ , per menses , etiamque per annos , torpere potuit ; quòd lymphâ fit humor pinguis , frigidus & gelatinosus ; ipsius partes sunt ramosæ ; sua receptacula nullâ arteriâ , nullâ venâ amplissimâ calefiunt ; idcirco his omnibus positis , quodam modo torpidum languet hoc seminium , & ut ad extremum germinet necessarius fit peculiaris quidam astrorum circumactûs , qui naturam quomodocumque accendat. Ex modo allatis hu-

jufce feminii lentum fieri germinatum conftat , interdùm malè fe habet totum corpus ; anxius demùm ægrotans fit macilentus ac pallidus , & eò advenit bubo , ut nec æger , nec practicus ipfius naturam non agnofcere queant.

Tùm ad completam & accuratiffimam mercurii adminiftrationem eft illicò confugiendum , fin minùs infaufteffimi imminent cafus. Hic enim bubo ad peffimum æquè celeriter vergere poteft , ac fuo in ortu fuerit lentus ; ipfius in curatione fingula quæque amoveantur emplafta , quæ vel graviffimas poffent contrahere tragoedias. Mercurio tantùm indiget natura , fuppurationem , aut refolutionem fponfe fuâ parabit , & electam ad felicem exitum ociùs deducet , fivè fit refolutio , fivè fuppuratio. Perparum angetur ægrotans , nullive periculo erit obnoxius , fi practici periti doctrinæ , nec non curationi fervire maturè feftina-verit ; huic morbo remedia , quæ congruâ

sint & necessaria, hoc in capite infrâ fecernere est.

Bubones alii sunt concomitantes, qui, dùm elabitur fluxus venereus, cancris etiam existentibus in pudendis, surgunt; non sunt tanti momenti, possuntque antivenereis sanari. Eos intueri fas est, ut casus inflammatorios, quos naturæ, refrigerantibus & lenientibus non neglectis, committere liceat, dummodò prava & ineruditè adhibita medicamenta fluxui virulento non fuerint adversa; huic contrâ favere est ptisanâ levi è radicibus althææ & graminis, addendo nitri depurati grana sex, aut ad summum duodecim pro unaquâque librâ. Uberius enim fluente gonorrhæâ, sensim & tutò evanescit bubo.

Quoad ulcuscula cancrofa in pudendis, manè & serò sunt abluenda cum decoctu radicis althææ, quorum fibasis dura fuerit, lapide infernali leviter per-

stringetur & cooperietur linamento quantitate minimâ unguenti basilici onerato. Paucos post dies radicis althææ è decocto lotiones & linamentum ficcum absolvent curationem.

Hujusce speciei bubones, fluxu venereo imperitè exsiccato & repulso, ut subsequentes volunt debellari.

Bubones subsequentes multò sunt graviores, ipsorum ortum & incesum accuratè perpendere expedit. Qui, paulò post recessum, cujusvis symptomatis venerei, pullulant, minus sunt periculosi quàm qui, remotâ & sublatâ contagii præsentia, post mensem & ultrà surgunt.

Quæ præcedentia symptomata abire coegerit causa, diligenter est detegenda; naturæ seu totius corporis commotio quædam, helluatio iterata, fluxum venereum aliquoties sistunt, aut potiùs repellunt ad sedem aliam, & ulcuscula levissima delent, tùm qui paulò post subsequuntur, bubones non sunt pessimæ

indolis ; ad suppurationem plerumque eos suâ sponte cogit natura , & anti-venereis possunt sanari.

Horumce sanationem qui suscipiunt , magis ac magis caveant ne emplastris ullis utantur , quæ perpetuò nocent & adversantur naturæ. Si semper amoverentur emplastra , boli aut pillulæ , pulveres & quædam adhuc circulatorum medicamenta , multò pauciores forent bubones , qui excruciant ægros , practicisque peritis onerosum fastidiosumve suppeditant laborem.

Medicinæ in praxi , nihil est majoris momenti quàm consulere naturam , ipsiusmet strictè servire indiciis ; quos suppurationi voveat natura bubones , necessariò sunt suppuraturi ; eorumdemve de resolutione pariter vigeat hæc sententia.

Suppurationis cum viam , annuente naturâ , eligit bubo , absolutior & generalior fit hæc suppuratio ; tumoris in cavitate nulla supersunt specimina , nec

cavernulæ , eumque scalpello aperire expedit , ut infrà videbitur.

Bubones , qui longè seriùs tument , postquàm symptomata quævis , remediis ineruditè adhibitis propulsa abiere , sunt gravissimi. Seminium enim quod , aliquanto tempore , nullum portendit casum , non minus inquinat naturam quætùm depurgari nequit , nisi completa adhibeatur mercurii administratio.

Suppurationem aut resolutionem properare si voluerit practicus , emplastica adhibendo medicamenta , hâc agendi ratione , ægrotanti longiores & acutiores parabit dolores , ut modò prænuntiavi.

Glandulæ quidem aliquot , his auxiliis , ad suppurationem sed inæqualem vehuntur , dùm aliæ ad resolutionem naturâ magis propulsæ stant integræ. Indè nec absolutè , nec generaliter concoquitur humor ; indè omninò diversa bubonis fit indoles ; indè pravis & ineruditè accommodatis remediis , aut ægri libidine & pravâ victûs ratione ,

bubo fit fistulosus, skirrodeus aut carcinomatodeus ; indè acutissimis doloribus , excruciatùr æger ; indè practicus curationem onerosiorem & operosiorè deducere cogitur , quæ numquàm obtinetur , nisi completâ mercurii administratione eam sedulò prosequi velit.

Tùm ægrotantem argytæ & quidam imperiti causticis miserè excruciant ; quidam variis topicis eum deducunt ad lāngorem ; interdùm eadè viget contagii venerei energia , & mors tandem solvit litem.

Hos inter sunt bubones , quos peritus practicus sanare potuisset etiam antivenereis ; at verò ut hæc sint fati , ut huicce curationi fidem quamdam liceat addere , pro certo habere decet , an æger priùs usus fuerit remediis circulatorum ? Prior enim falsa curatio , posteriorem efficit dubiam , nisi accuratior adhibeatur mercurii administratio.

Bubones multi quorum argytæ emplastris priùs susceperunt curationem, skirrofi, carcinomatodei & œdematodei evadunt & remanent. Quosdam ad supurationem, quævis fit, adducere si faustè liceat, tùm lapide caustico aperiantur.

Caustici enim actio propositum edit effectum, scalpelli absque ope; dùm tumoris operatio, cum scalpello celebrata, glandulas quidem semisuppurationes, induratas aut skirrodeas detegit, non indè minus deveniendum est ad deliquium lapidis caustici, vel ad butyrum antimonii, ut glandulæ inquinatæ omninò depascentur.

Iisdem fuscis causticis pariter uti expedit, cùm glandulas & fungosas luxuriantesve carnes consumere & reprimere oportet, præsertim in bubone carcinomatodeo, si contagii energiâ demùm dehiscat in ulcus.

Lapidem causticum secundùm codi-

cem parisiensem cunctis cæteris esse anteponendum existimo, ipsum enim coercere nulli perito practico est nefas.

Lapidem hunc adhibendi hæc est mea methodus

Diachili gummati emplastrum fumo fat amplum, ut tumorem integrum glanè cooperiat; ipsum diachili gummati tali quantitate oneratum volo, in quâ rivulum cultri acumine effingere queam, ut apertura tumoris, ipsius volumini, meoque menti sit consentanea. Hujusce rivuli totam ripam linamento sicco ita circumcingere curo, ut caustici ad extrâ effusum deliquium nec irrorare, nec rodere possit vicinia (paris exundationis horrenda persæpè vidi vestigia) rivulum hunc sic circumactum fragmentis caustici lapidis, plus minùsve crassis adimpleo caustici actionis pro altitudine & amplitudine desideratâ, quàm hoc modo, ad libitum, ut itâ dicam, ducere queo intra tres, quatuorve aut quinque horas, quas domi meæ

aut alibi , me præfente , peragere debet æger , tamquam eft possibile. Incumbat ullo abfque motu , fimul ut imponitur cautè emplaſtrum fic inſtructum & priùs aëri aperto expoſitum , donec paululùm madidus videatur lapis caufticus. Sin autem deambulare , aut quolibet modo moveret , effluviùm adeò corroſivum coercere dubium foret.

Elapſis ſuprà dictis horis amoveatur emplaſtrum ; tùm vulnus apparet ſubnigrum & ſanguinolentum ; fic nigreſcit corium cauftico aduſtum , quod ſcalpello ſuam ſecundùm longitudinem fit illicò incidendùm.

Hæc incifio fit ullo abfque dolore , cauflici enim aliùs ſefe fert actio ; huiusce inſenſibilis ſectionis ope datur via , & illicò delabitur ſuppuratio quæ ſublateret. Tùm vulnus tegitur linamento , unguento baſilico , onerato , & ſuperapponitur emplaſtrum unguenti fuſci , quod ſingulis quibuſque diebus iteretur.

Per aliquot dies paulò leviùs nutriatur æger , ptisanâ & enematribus aquæ fluviatilis accuratiùs irrorentur viscera.

Prout corii adusti particulæ suppuratione sublevantur & dissolvuntur , eas sedulò excindere est , ut , vulnere planè aperto , liceat unguento basilico addere vel minimam quantitatem præcipitati rubri tenuissimè pulverati , ad promovendam suppurationem ampliorem & glandulas skirrodeas cum deliquio lapidis caustici sæpè sæpiùs tangere , ut deleantur.

Bubones , nitiores , quos absque emplastris ad completam suppurationem sola deduxit natura , juvante tamen mercurio , sunt scalpello incidendi & ipsorum est adimplenda cavitas cum linamento sicco , cui superapponatur emplastrum unguenti fusci ; plerumque sanantur , ut vulnera simplicia , nisi quid naturæ adversetur.



CAPUT VII.

De variis ulcusculis cancrofis.

CONTAGII venerei symptomata, quæ vulgò dicuntur ulcuscula cancrofa, & ab erudito Afruc, caries pudendorum, huc ufque vel leviffimè fuerunt tractata.

Quædam funt ulcuscula cancrofa, feu potiùs erosio levis corii pudendorum, fuperficie variè circumfcriptâ, cujus nec alta, nec callofa eft basis; quam erosionem levis dumtaxat concomittat inflammatio; ex eâ plus aut minùs abundans delabitur fuppuratio ferofo & purulenta, quæ portendit fe-minium venereum acre & leviter corrosivum. Exulceratio hæc cutis facilè poteft fedari antivenereis, non enim gravè, nec inveteratum indicit contagium.

Alia sunt erosio gravior , quæ ex asâ summâ cuticulâ , partis tùm præputii , tum balani denudatum pungit & rodit corium ; quod largè fundit faniem ferofam & graveolentam , quæ semper invadit præputii basim & coronam balani , ipsiusque sæpè maximam partem , cum inflammatione gravi , cujus est particeps præputium , quod idem seminium non leviter depascit , sæpèque phimosis procreat. Casum hunc repellunt lintea fasciola , radicis altheæ decoctu madida , si maturè interjiciantur , ita ut hæc inter partes immediatus ullus adsit tactus.

Hæc erosio casus licèt videatur levis , & citò abeat ; non minimi tamen est momenti , quod contagii inveterati sit effectus multoties rediturus ; quòd per annos antivenereis etiam repulsus ter quaterve iterùm appareat , & munditie i ope licèt imprimis abierit , phænomena tandem procreat , quæ probant semi-

nium venereum coagulans in sanguinem jam pridem fuisse infusum & humorum motui planè affuetum quod , ut antea dixi , lento procedens gradu in morâ factum est acre nec non corrosivum.

At verò licèt huic symptomatici obnoxius interdùm fuerit ægrotans ; licèt sese sanum crediderit , tanta fit in instanti hujusce contagii energia , ut varia repentè ruant symptomata vel gravissima , bubones scilicet solitarii , carcinomata præputii in internâ facie , aut in toto corpore pustulæ variæ , & aperta ulcera cum carie ossium , quæ cuncta luem confirmatam demùm stabiliunt , cujus curatio necessariò indigeat accuratissimâ mercurii administratione , suo etiam in statu erosionis , de quâ mox fuit narratum.

Sunt adhuc minima ulcuscula præcedenti erosione paulò minùs metuenda , quorum tardior est incessus , quæ tamen inveteratum prænuntiant contagium ve-

nereum, debilitatum quidem antivene-
reis, quibus non potuit penitus era-
dicari.

Hujusce symptomatis infaustus nihilo-
minus foret exitus, licet casus non edat
æquè periculosos, ac erosio præcedens
gravior. Hæc autem ulcuscula plerumque
varias in variis corporis partibus do-
lores dumtaxat generant, qui perrarò
habentur effectus feminii venerei.

Exostoses tandem surgunt, quæ de-
mùm produnt indolem horumce ulcus-
culorum, quæ sunt, ut ità dicam,
punctum exulceratum in coronâ balani,
aut præputii in parte, huic contiguâ;
quod nullo modo tumescit, quod al-
bescit sæpiùs ex minimâ cujusdam mucii
parte, quam parcè fundit, levissimum
procreat pruritus absque ullo dolore,
nec ullâ præmissâ inflammatione sen-
sibili; paulò post ortum evanescit solo
munditie auxilio, nullâ remanente in-
cute maculâ, futile tamen hoc symp-
toma, multoties iteratum, divitibus de-

nunciat confugere ad completam mercurii administrationem , quod ipsis fit peculiarius quàm egenis.

Inter ulcuscula cancrofa indiftinètè numerantur varii cancri , qui oriuntur ex cute totius mentulæ , qui ab aliis omnibus diffingui merentur. Sic nafcuntur , præmiffâ gravi inflammatione , tota multùm rubet mentula , tota ardens videtur , plurimùmque dolet ; ipfius in parte fuperiori , mediâ aut inferiori ; in quovis latere , in quolibet tandem penis puncto jam furgit parvus tumor , fubruber , violaceus aut purpureus , graviter dolens ; cujus apex modò albefcit & intrâ viginti quatuor horas in ulcus dehifcit , largè fundens fuppurationem purulentam & ferofam , adeò acrem & corrofivam , ut brevi rodat largiùs carnes.

Unâ nafcuntur perrarò plurimi hujufce fpeciei cancri ; folus urethram & corpora cavernofa denudaret , fi lapide infernali citò non circumfcriberetur

strenuè & celerrimè curari vult verus hic cancer ; imprimis venæ iteratâ sectione , priusquàm in ulcus dehiscat ; modico victu , largo potu & enematribus emollientibus , inflammationem & immoderatum calorem sedare expedit. Ulcus apertum linamento unguenti basilici & styracis mixturâ accuratè cooperiatur , & penis integer involvatur cum penicillis decoctu althææ & aquæ vitæ tertiâ parte continuò conspersis.

Aliquot post diebus , cum gravissima ceciderit inflammatio , cancerum obtegere decet linamento & digestivo unguenti basilici , olei hyperici & paululùm præcipitati rubri tenuissimè pulverati & rectè mixti , superapponendo emplastrum unguenti fusci.

Lapide infernali iterùm atque iterùm , uti fas est , ipsius dummodò applicatio sit levis , ut reprimantur carnes lividæ & fungosæ , sive ut tutiùs & arctiùs circumscribatur cancer , cujus sanationem properare & absolvere poterunt hæc

medicamentâ , si maturè adhibita fuerit completa mercurii administratio.

Alia sunt ulcuscula cancrofa , aut cancri , quorum totam amplitudinem replent carnes lividæ , quæ densitate suâ & colore rectè effingunt suis cutem coctam & scissuris variis liratam ; hæ carnes plus minùsve turgent ratione victûs & munditiei ægrotantium.

Contagium inveteratum detegunt hæc ulcuscula , cujus coagulans & acris ex naturâ suâ fit indoles , imposterùmque adeò corrosiva ut corium rodât & portendat germinatum , qui mercurii ritè administrati implorat opem , ut radicibus curetur.

Luxuriantes hæ carnes reprimi & depasce volunt usu iterato lapidis infernalis & digestivo unguenti basilici s. q. præcipitâti rubri tenuissimè pulverati saturato , donec omninò deleantur. Tùm ulcusculorum superstes tegenda est basis levissimo emplastro unguenti fusci ad optatam cicatricem obtinendum.

Ulcusculi cancrofi peculiaris adhuc adest species , quæ præputii in parte balani coronæ contiguâ nascitur , ibi minima sese offert induratio occulta , quæ sensim adaugetur & cum levi dolore efformat tumorem avellinæ crassitie similem. Tùm inflammatio gravis & dolor lancinans ægrum angere incipiunt ; retrorsùm deduci vix potest præputium & sæpè fit phimosis jam ortum est verum carcinoma lentè dehiscens in ulcus , duo perrarò numerantur unà.

Magis ac magis indurato tumore , ac indè prohibitâ humorum circulatione , tota tumet mentula , quæ ut relaxetur , brachii multoties secanda est vena , adhibenda sunt cataplasmata cum micâ panis & decocto radicis althææ.

Sub præputium intromittere oportet linamentum unguento mercuriali & æquali parte unguenti de styrace oneratum ; donec tumor paululùm molefcet. Tùm , retromisso præputio , tumor
magis

magis videtur expansus , subniger tectusve vel minimâ quantitate cujusdam muci sanguinolenti ; hujusce tamen tumoris carcinomatodei completam movere suppurationem vix licet , quamvis lapis infernalis & digestivum cum præcipitato rubro veniant in usum. Casus hic perpetuò videri debet tutissimum contagii gravis indicium , quod ad faustum exitum nequit deduci , nisi accuratissimâ mercurii administratione.

Cancrofa demùm sunt ulcuscula peridicis oculi vulgò dicta , quæ paulò post coitum aperiuntur , mox in præputio , mox in balano , & persæpe in utroque.

Minima sunt tubercula , quorum apex citò eroditur suppuratione albidâ , rubris remanentibus oris ; basis ipsorum modo flexilis adstat modòve leviter indurescit. Sunt plerumque effectus contagii , quod penis ad intùs se nondum intulit , cujusve exitus parùm est timendus , munditie &

decoctu radicis althææ facilè sanatur
leviora adhibendo antivenerea.

Quæ hoc in capite & in præcedenti
fusè fuerunt relata, iis possunt videri
supervacua, à quibus tot varii casus
in globo inter se perturbatè sumuntur,
præsertim in nosocomiis venereis. At
verò molesta fuit ægris plurimis agendi
hæc ratio; ideòque laborantium hoc
morbo ob salutem, eos esse peritissi-
mos vellem, qui advenientes pauperum
has in ædes ægros inspiciant, ut quique
suâ in sede collocentur & singulis symp-
tomatibus congrua tutiùs adhibeantur
remedia, sic miseri multò plures semper
fruerentur faustis beneficiis regiæ admi-
nistrationis.



CAPUT VIII.

De Fluxu venereo aut Gonorrhœa.

CONTAGII venerei varia inter symptomata fluxus venereus, præ cæteris, innumera auctoribus suppeditavit erronea argumenta; eorundem hodiè errorem dumtaxat hîc aggredior, qui contendunt fluxum virulentum, quoquo modo tractetur, numquàm posse nec potuisse gignere aut abire in luem veneream confirmatam.

Dicant velim, an lues vulgò dicta *chaude-pisse* sit effectus vel germen quoddam feminii venerei? An seminium hoc venereum semel germinatum unicam tantùm habeat germinationem? Pro bent hancce unicam germinationem esse frigidam, cui insita non supersit facultas varios adhuc edendi germina multò graviora.

Ex diuturna praxi compertum est seminum venereum edidisse, uno coitu, uno & eodem tempore, gonorrhœam, ulcuscula cancrofa & bubones diversæ indolis. Eadem praxis sæpè sæpiùs comprobavit gonorrhœam, post effluxum per quindecim dies, remediis pravis aut fortuito casu jam allato, subito evanuisse; indeque post mensem, post etiam multos menses & ultrà, varia apparuisse symptomata pathognomonica, quin ullus superfuerit coitus. Nec asserere licet seminum venereum in corpus humanum coitu impulsum, ut frumentum in agro tectum aratro, putrescere debere, nisi intra tempus datum germinaverit; cum omnibus sit notum contagium venereum diù diutiùsve torpuisse absque germine & nullo iterato coitu, varias ac fordidæ demùm suppeditasse maculas venereas.

Quis practicus non noverit gonorrhœam ineruditè curatam multoties præbuisse ortum symptomatibus, quæ luem veneream confirmatam denuntient?

Cui practicò non occurrerit gonorrhœa recens, quin remediis affluetis eam penitus curare, nec etiam sedare potuerit? Ergò gonorrhœam aliquoties effectum veneream confirmatam denegare nefas est, cum nullo alio modo, quàm completa mercurii administratione sanari possit. Fluxus ergò humoris virulenti est effectus aut germen semini venerei, quod ideò non putrescit, nec recidit ad nihilum, nisi penitus fuerit enecatum legitimâ curatione. Quin imò corporis variis in partibus diù torpere valet, quin amittat facultatem rursùs inquinandi naturam eorum, qui se sanos crediderunt, quòd jam pridem abiire symptomata ineruditè curata.

Spermatis quodam effluxu sententiarum suam firmare incassum susciperent iidem scriptores; nullo enim modo spermatis effluvium potest assimilari gonorrhœæ, ergò hâc de sententiâ jamjam satis. At verò eam debellare volui, quòd ægrota-
 ntes plurimi infausto hoc errore im-

buti , & hâc labe venereâ notati , adolescentes præfertim , parvè faciant hunc casum , lætè dicentes nihil nobis supereft timendum. Vetustate peribit hæc gonorrhæa , numquàm fieri valet lues venerea confirmata. Heu ! nesciunt indè fore asperrimam senectutem.

Prætereâ , existente gonorrhæâ , existit seminium venereum ; ex dictis ergò quivis hoc laborans casu , contagii venerei cunctis symptomatibus est obnoxius , quæ eò tutiùs ac celerius nascuntur , quòd in gonorrhæâ malè curatâ virus non fuisse enecatum probet experientia , contrà verò fit pejus ; ergò , hoc in casu , seminium venereum potest , imò etiam debet abire in luem confirmatam.

Fluxus venereus seu Gonorrhæa.

Gonorrhæa est fluxus humoris virulenti per meatum urinarium , cum levi dolore & persæpè cum peracutâ uredine. Imprimis serum tenuè plerumque effluit , dein lymphaticum viscidum , purulentum , aliquotiès sanguinolentum

& acerrimum fit effluvium pro morbi indole & gravitate inflammationis, quæ plus minùsve statim anxerunt varia seminis receptacula, quæ enumerare & hujusce morbi denotare sedem hic foret supervacuum.

Paucis practicis, multis verò ægrotantibus, ob rationes modò allatas, contagii venerei vel minimum videtur hoc symptoma, omnium tamen reverà est maximum; leves plerumque sunt statim ipsius tragoediæ, quas dein edit molestissimas. Gonorrhea juvenes angit & excruciat senes; extremum enim ipsius malum, abeuntibus annis, sunt stranguria, disuria & sæpè calculi, quibus multò magis obnoxii sunt senes. Hujusce morbi innumeras stabilire species in praxi mihi videtur vanum.

Casus est inflammatorius gonorrhea, cujus contagium in utroque sexu genitalium varias partes, intrà coitum, plus minùsve titillat & pungit; indè surgit inflammatio, quæ eò fit intensior, quòd

germen fuerit magis corrosivus aut acrius. Hanc inflammationem citò sequuntur variæ in variis locis ulcerationes, leviores aut graviores. Sin autem asperum tantùm & minùs irritans fuerit germen, mitior foret inflammatio, ulceratio altitudine & numero minor; suppurationis effluxus indè erit parcius; cavendum tamen est ne crescat eundo.

Sedari vult inflammatio, venæ sectione, largo potu, enematribus & balneo.

Venæ sectio sanguinem ad uncias duodecim è brachio semel bisve emittat pro gravitate inflammationis & viribus ægri.

Cumulatè potetur ptisana levis ex althæa & gramine, cui addere est, in duabus libris, ab octo ad duodecim grana nitri depurati & syrupi violacei unciam unam. Aqua sequanea plurimis, in æstate satis est, cum eâdem quantitate nitri & syrupi violacei; congruens pariter est emulsio è dragmis duabus feminis papaveris albi, in aquæ fluvialis fibris duabus cum nitri & syrupi.

eâdem quantitate ut suprà. Non minùs juvat serum lactis clarificatum enemata: ex aquâ fluviatili vix tepidâ, in æstate, conficiantur, &, in hieme, cum levi decoctu feminis lini.

Balnea numero multa, in quibus caloris nec frigoris sensum levem experiantur ægrotantes, mirè minuunt & tollunt inflammationem, quam aliis medicamentis debellare fit nefas per quindecim dies ab ortu morbi, ne adversentur suppurationi- & fluxui humoris virulenti.

Aliquot si fortè adfuerint ægri sollicitudini vel minimæ obnoxii, quod nullis aliis remediis utatur practicus peritus, sagacitas sua, quid congrui suppeditare poterit.

Exindè ulcerationes nec oblivioni, nec negligentiae tradantur, meminisse oportet gonorrhæam, licèt videatur mitis, esse effectum contagii venerei, quod eafdem procreaverit.

Quorundam practicorum de his quæ

vis sit sententia , non minoris est momenti abstergere & ad cicatricem inducere ulcerationes , è quibus pendet fluxus virulentus , non injectionibus quidem detergentibus nec astringentibus , quas multò sæpiùs ministrantur argytæ.

Lenientia contrà adhibenda sunt antivenerea , quæ venerea germina , ullâ absque noxâ , penitùs deleant , talia sunt , pillulæ gummatae mercurii , de aquilâ albâ , de terebinthinâ cum æthiope , vel de terebinthinâ simplices , unctioes mercurii leviores ; hæc medicamenta tutò & radicitùs exsiccant fluxus virulentos , qui alioquin toties resurgunt , & hos redivivos , tùm afferunt circulatores esse effectus ulterioris coitûs.

Inconcussa mea remanet praxis , & pro certo habeo neminem nescire gonorrhæam sæpè sæpiùs assuetum fuisse fontem contagii veneræ , quod peracutis cum doloribus , tot citò metit ægros , quorum morbificus status ab argytis superbè fuerat denegatus , quoniam sublaeret virus.

Quot homines robusti , nec non ad venerem vel maximè propensi , decem , quindecim & ultrà putant habuisse gonorrhœas? Dùm reverà ejusdem styrgis venerei sunt novæ germinationes. Hâc veritate adeò sum imbutus , ut quotiescumque sese offert fatens æger se jam habuisse plurimas gonorrhœas , urethræ statim candelis medicis detegere imprimis attentissimè studeam. Obices quidam si adsunt in urethrâ , qui denuntient præcedentes gonorrhœas malè fuisse sanatas , suadeo confugere ad completam mercurii administrationem , & præmissis septem aut octo frictionibus mercurialibus , candelas medicas adhibeo , quarum usum à principio morbi præscribere fuisset periculosum ; nam seminio venereo remediis mercurialibus nondùm debilitato , tum adaugeretur inflammatio & humoris posset fieri percussio.

Per horam integram in urethrâ dumtaxat eas remanere intromissas juvat ,

easque primo manè adhiberi decet , ut , in lecto jacente ægro , & per noctem partibus cunctis relaxis , eam tantùm moveant inflammationem , quæ sit satis , ut eveniat suppurationio vel ulcusculorum calloforum , vel pravarum cicatricum , quæ urinarum libero fluxui forent impedimentum. Urethræ meatus obicibus aliquoties est ferè interclusus , ita ut candelæ vel tenuissima intromitti nequeat ; tùm excindere est candelam eâ longitudine , ut extremitas premat metam & obicem , sive sint cicatrix inveterata & strictior quàm par est , aut ulcusculi callositas amplior. Ibi oportet filo xilino religare candelam , ut , hoc opere , bis in die , per horam integram ipsius extremitas premendo obicem , sibi tandem aperiat viam , suppurationem movendo.

Per aliquot dies , viâ semel apertâ , crassiorem non adhibere est candelam , at sæpè sæpiùs irrorare urethram injectionibus decocti radicis althææ , quas unicas eligere debeat peritus practicus. Dein majoris diametri sumenda est can-

de la medica ; ita tamen ut intromitti queat , quin vehementer distendat anulum qui in urethrâ effinxisset obicem , ne acutiores eveniant dolores , qui curationi certam afferre possent moram.

Urethræ totam amplitudinem crassioribus candelis cautè pedetenim revocare oportet ; candelis diutius uti in quocumque casu sanabili , periculosum est ; rejiciendæ sunt simul ut libenter intromittuntur.

Nulli sunt obices quos , eradicato feminio venereo , non tollant intra duos menses ; dummodò quidem non adhibeantur , quin priùs ferè deleta fuerit lues venerea.

Inveterati sunt alii casus , quibus candelæ sunt inertes & vanæ ; quibus necessario est opus operatione chirurgiæ , tùm omiſſis candelis , anceps non hæret Medico - Chirurgus , artis suæ subitò confugit ad varia auxilia.

C A P U T IX.

De Phimosi & Paraphimosi.

PHIMOSIS & paraphimosis non sunt semper veneri casus; phimosis contrà est sæpè naturalis, quin sit naturæ molestus, nisi superveniat morbus peculiaris.

Paraphimosis verò contagii veneri nullo modo particeps, phimosis naturalis est effectus & perpetuò haberi debet casus gravis, quòd ipsum plerumque edat inflammatio, immoderato motu, comparata, quodve absque dolore, ac persæpè absque scissuris variis nequeat sanari.

In phimosi naturali absque casu, absque dolore, nullâ adstante inflammatione, præputii summus lymbus ità coarctatur, ut urethræ aliquoties intueri meatum vix liceat, quin tamen ullis naturæ muneribus obstat.

In paraphimosis contra balani pone coronam retractum vehementiori nisu præputium ita constringit mentulam, ut humorum omninò intercludat circulationem, quod fieri nequit nec absque dolore, nec inflammatione, etsi nulla adfuerit morbi causa.

Ad anteriora balani, manu solerti, si illicò non adducatur præputium, ipsiusmet complicatæ rugæ annulares absque morâ sunt scalpello explicandæ, ut incisuræ linamento sicco oppleantur ad hæmorrhagiam sistendam, & ut evolutæ abeant ad cicatricem; alioquin solo sanguinis regressu præcluso, inflammatio eò adaugeri potest, ut brevi immineat gangræna.

Cum phimosis & paraphimosis contagio venereo producuntur, majus semper adest periculum & perrarò in alterutroque effugere fas est operationem chirurgicam, quæ eò necessaria fit, quod varii casus concomittantes brevi evadant intentiores. Simul ut breve intra tempus, emol-

lientibus , detergentibus , nec venæ sectione contagii venerei non reprimitur energia , ad operationem repentè est deveniendum , quæ numquàm foret periculosa maturè si fuerit celebrata.

Phimosis & paraphimosis inter symptomata quædam si adfuerint inveterata , ut carcinoma , skirrus & ulcuscula , quæ sublatuissent , mox adhibenda erit completa mercurii administratio ; sin minùs variis remediis , in capite de ulcusculis , suprà allatis faciliè sanantur.



C A P U T X.

De Observationibus practicis.

OBSEVATIONES practicæ edocendi sunt modus sæpè fallax & minimè certus ; de morbis sanatis argytarum merè mendaces sunt variæ narrationes : practico- rum etiam peritorum ac vel maximè proborum mendosi de illis aliquoties sunt sermones.

Cùm curationem scriptis singulatim referre est , è mente non rarò effugiunt variæ circumstantiæ , quæ morbi in decursu medicamenta eligendi , eaque aptè adhibendi pretiosum temporis momentum faustè denotaverunt.

De ægrotanti unico nuper à me sanato attentè ac verè sum scripturus , non usui ut servire videar , sed ad magis ac magis comprobandum gonorrhæam horrendissimorum symptomatum sæpissimè fuisse fontem.

Paucis abhinc annis de gravi & inveterato morbo , verbis fui consultus (1); longo mihi enarrato sermone , priusquam meam detegere sententiam , ægrotantem circumspicere volui , ut ab ipso de variis varia ac tuta acciperem documenta.

Ætatis suæ quinquagesimo anno , morbi energiâ & medicamentis stratus in lecto jacebat æger , lazarum referens : inter Helvetios licet natus vel maximè robustus domum à duobus annis non deferuerat , nec ab octo ultimis mensibus de sede absque scipionibus poterat exilire.

Stasis amplissima & altissima in surâ tibiæ sinistræ , cujus & genu omnem præcluserat motum ; femur etiam macilentum vix movebat propter ulcus saniosum , altum & amplissimum in parte superiori & anteriori coxæ , inæqualem sesquitrium pollicum habens circumferentiam. Peracutis doloribus excruciatu die nec

nocte dormire vix poterat æger; furæ-
stasim, septem incisuris levioribus de-
tegere, adstante Medico, incassum sus-
ceperat Chirurgus juvenis. Pus sic in-
carceratum sinus duos foderat versùs
utrumque latus tendonis achillis ferè ad
calcaneum usquè, naturæ beneficio &
puris indole; licèt adfuisset in imâ parte
furæ foramen vel minimum, è quo de-
flueret paululùm humoris tenuis ac san-
guinolenti.

Incredulis tandem sit perspectum, hæc
tot & tanta è gonorrheo fonte, intrà
decem annos effluxisse mala.

Hic ægrotans homo sapiens, mente
& corpore aliundè sanus, juventutem
suam ullo absque stupro egerat ad qua-
dragesimum annum usque; quodam die
puellam fortè agnovit, quam uxorem
ducere arderet, *facilis descensus averni*.
Paulò post gonorrheus fluxus, cum
suis præmissis & concomittantibus si-
gnis ipsi ignotis, apparuit; tùm animi
quietem fugat mœstitia, ultrà modum
sollicitus confugit ad medicos. Remediis

usitatis utitur per sex menses; largo potu, innumeris pilulis evanescunt dolores, tandem abit gonorrhea.

Dein pro more plurima itinera agit: quatuor annis abhinc elapsis, fortuitò decidit ex equo; vulnus nullum, contusio nulla videntur. Aliquot post dies, in urbe quâdam Lotharingiæ quiescens levem dolorem in genu sinistro animadvertit; mox convocato Medico, ex equo è lapsu, dubio procul, oritur causa doloris; assueta medicamenta adhibentur, tollunt dolorem. Ægrotans pergit viam & *in herbâ latere anguem* nequaquam excogitabat.

Aliquot post annos, eâdem in urbe, iterum quiescens, de eodem dolet genu. ullo absque casu; sensim tumet una ex inguine sinistro glandula; uno eodemque tempore tumescere videtur genu. Nullum superest de gonorrhææ germine dubium, & deductis tandem palpebris ægrotanti sese offert effigies puellæ, cui nimis credidisset. Contagium fit evidens,

plures adhuc inquinantur glandulæ , ad-
augentur dolores. Mœstitia sua eum
deducit ad parentes in Helvetiâ , pro-
perat , advenit ; stupefacti parentes con-
vocant Medicum. Perviam adauctus tu-
mor ad suppurationem faustè vergit ,
cui faveat peritus practicus. Humori op-
portunè cocto exitum cultro præbet ,
largè fluit suppuratio. Congrua adhi-
bentur medicamenta ; optimè sese ha-
bent omnia , sensim minuunt dolores ,
jam coarctari videtur vulnus , nec am-
pliùs adest tumor.

Robustus æger virium suarum sat
compos , parentum è lecto effugit ; mu-
neribus quibusdam in virum beneficum
adimplendis allicitus Lutetiam directò
petit. Itineris labor , prava victûs ratio
vulneri adversantur , quas non attigerat
suppuratio glandulæ iterùm inflamman-
tur non ab eodem practico ductus æger
pessum abit ; cujusvis speciei medica-
menta , cultrum , lapis causticus & in-
fernalis , vice versâ , iterùm atque ite-

rùm adhibentur; inguinis cunctæ glandulæ aut excisæ aut adustæ evadunt, ergò nullus ampliùs hac in parte tumor. Intereà virus ferro & igne coactum coxæ ad ulcus, ad genu, & furæ ad stasim totam suam contulit energiam, quæ magis ac magis vigeat. Deambulandi absque scipionibus facultate sublatâ, mœrore majori, gravioribus doloribus ægri erupit sollicitudo.

Vir æquè probus ac dives, humanitatis amore perfusus huic ægrotanti, ut fideli subjecto, nova sublevamina tribui jubet: plurimi famâ & muneribus inclyti convocantur Medici, quorum diversa fuit sententia. Unus quidem denegavit hæc morbi gravissima vestigia esse venerea; ea diverso modo sum intuitus ac ausus hanc suscipere curationem, quæ, juvante divinâ providentiâ, intrâ duos sesqui menses penitus fuit absoluta.

Pro meâ methodo mercurium ministravi, omnemque dedi operam tibix

sinistræ, quæ pessimè se habebat. Utrique tibiæ adhibitis mercurii duabus frictionibus; sinus, quos secundùm, versùsque utrumque latus tendonis achillis foderat humor fluens è suræ stasi, obtexi emplastro mercurii gummato, ità posito & fasciâ contento, ut humori nullus absolutè pateret introitus.

Quatuor insuper adhibitis unctionibus mercurii, suræ totam cavernam detexi lapidis caustici ope, pro meo more, superappositi; intrà quatuor horas, quod per aliquot menses variis cisis aperiri non potuerat, tectum penitùs fuit adustum & ex imo largè effluxit suppuratio purulenta & sanguinolenta. Paucis post diebus carnes caustico adustas cunctas resolvere, absque dolore, non fuit nefas; tùm omninò detectum vulnus, licèt amplum & altum ad laudabilem tutamve cicatricem fuit adductum digestivo unguenti basilici & paululùm præcipitati rubri tenuissimè pulverati & accuratè mixti. Hujusce vulneris

uno & eodem tempore , circumferentia ingurgitatione purulentâ jampridem indurata mox molefcere cœpit , ope linamenti unguenti mercurialis levi quantitate onerati ; sic superapposito unguenti fusci emplastro , totum vulnus fuit ritè obtectum. Hoc modo suppurationis facta vel maximè abundans , vulneri , eò citiùs , repurgato adduxit cicatricem demissam flexibilem ac intra sex hebdomadas penitùs abiit suræ stasis.

Intereà sinus tendonem achillis utrinquè legentes fuerant exsiccati & sanati ; coxæ pariter ulcus licèt sordidum & amplissimum fuit curatum , scipionesque suos intra duos menses deposuit.

Hæc fuerant inveterara symptomata ; aliud verò multò gravius , nonâ frictione adhibitâ , repentè advenit. Quodam jam abeunte die , se lædisse versùs anum , sedendo in familiari sellâ , questus est ægrotans ; partem tetigi ; cùm autem hilaritati hucusque sese dare vix ausus fuerat , obmutui , ne pravam ageret noctem.

noctem. Proftata jam erat indurata & leviter tumefacta ; adveniunt citò dolores acuti ; intrà quinque dies ampliffimus surgit in perinæo abfceffus ; jam fumma cuticucula , quinto die , partim abierat. Tumorem circumfpiciens , gangrenâ hinc illincque maculatum animadverto , hujufce illicò celebravit operationem , ante folis recessum , filius meus ; immenfa humoris effluxit quantitas , terrimus fefe expandit odor ; verfùs & citrà anum utrinque puris energia jam foderat finus , quos cultro detegere citò oportuerit. Vulnere , linamento ficco , repleto & accuratiffimè obtecto , nondùm fedata fuit tempeftas , magis ac magis imminet vitæ periculum , per noctem alvi advenit effluvium. Sequentia tamen remedia fensim reduxerunt fpem ; diæta levis ullâ abfque carne , nec etiam in jufculis ; decoctum album pro victu ; decoctum corticis peruviani riè electi pro potu , & pro lotionibus ac injectionibus ; linamentum hoc decoctu madi-

dum quibusdam in punctis amplitudinis abscessûs; linamentum dein, modo digestivo simplici, modo mercuriali unguento oneratum & in omnibus vel maxima mundities.

Hæc sola curationem adeo periculofam, ad faustissimum duxerunt exitum. Uno eodemque tempore advenerant leves canceri duo in præputio propè coronam balani, qui libentiùs abierunt. Ab operatione celebratâ ac alvi effluviî ab ortu, octavo die unctiones mercuriales adhibitæ, pro more, perductæ fuerunt ad numerum debitum, nullo absque casu, ullâ absque intermissione, quin ageretur de ptyalismo, nec de salivatione. Tranquillitas ægri fit hosce intrâ octo dies; securitate & dulci spe benè firmatis perpauca, levissimi ac optimi jamjam suppeditantur cibi & perparùm meri aquâ diluti; sic rediit ad sanitatem, quâ ullo absque incommodo fruitur. Innumeros inter à me sanatos omnium fiduciâ vel dignissimus hic

æger ea cuncta testatur. Quinimò, per tres annos valetudine suâ, accuratè perpensâ, ab aliquot mensibus juvenem sibi adjunxit uxorem, quæ jam est gravida.

CAPUT ULTIMUM.

De novo regimine in nosocomiis venereis instituendo.

LUDOVICUS XVI, rex noster, suos in subjectos vel maximè benevolus humanitatisque integræ vivo amore motus nuper promulgari voluit edictum, quo dicatur ædes nosocomiales fore construendas in quibus pauperes utriusque sexûs, lue venereâ laborantes novam singuli possint, ut ità dicam, adipisci vitam incolumem, quâ fruenter, patriæ ab omnibus debitam suam conferre queant symbolam.

Immensa est hæc susceptio, pro pauperibus tale sublevamen ad maximas impensas certè coget regiam administra-

tionem. At verò ne innumeri profundantur nummi, civem quemque probum decet suppeditare regimen novum, quod parcitatem & œconomiam tutò referat; quin ullo modo institutionis tam piæ minuat præstantiam. Hæc enim mea est mens.

Hoc in opusculo antea probavi nulum lue venereâ laborantem umquam sanari potuisse intra mensem nec ultra mensem morbi & medicaminis sustinere actionem, si natura diætâ graviore ultra modum fuerit debilitata.

De his consulenda est hæc mea methodus seminium venereum penitus eradicandi, & omnibus erit apertum hocce in morbo ægri sustentare vires fore vel maximi momenti. Nutriantur ergo ægrotantes & natura victu & remediis adjuncta tutius futura est medicatrix.

De alimentis sumptus statim videbuntur majores; at verò ægrotantes singuli, de die in diem, sanitatem recuperando, labore diuturno & constanti, tempus non

modò ad lucrum quoddam certum conferent, sed etiam otii horrendâ libidine, evertere faustos medicinæ effectus non ipsis licebit.

Mercurii administratio vel maximè completa numquam impedit, quin ægri dent labori operam; quin etiam vel minimum curationi sit impedimentum. Tùm quævis utriusque sexûs sit occupatio, ipsius certè compendio potest compensari sumptuum pars non minima. Quin imò lue venereâ penitus eradicatâ absque salivatione & inediâ intra duos menses ad munera sua adimplenda fortior redibit civis & ipsius curatio in patriam minimi fuerit detrimenti.

Ob gravissima symptomata, ullum laborem suscipere qui non poterunt, in alios varia ministrare commoda erunt coacti.

Ideam hanc mihi peculiarem opusculo meo subjeci, quod eam cujusdam utilitatis fore existimaverim.

Prætereâ nihil habeo dicendum de

naturâ laboris, cui ægrotantes incum-
bere expedit; nihil multò minùs adhuc
de internâ nosocomiorum agendi ratione,
quorum sapientissima est administratio.

Ægros sublevandi unicum mihi semper
fuit desiderium; sicve, pro viribus meis,
priusquàm obeam, patriæ meam volui
solvere symbolam, ætatis meæ septin-
gentesimo primo.

F I N I S.

W2 2600 5249L 1787

